

Broj: 06-27-12-4395-1/19  
Datum: 23.07.2019. godine

Federalno ministarstvo prometa i komunikacija, temeljem članka 219. stavak (5) Zakona o osnovama sigurnosti prometa na cestama u Bosni i Hercegovini („Službeni glasnik Bosne i Hercegovine“, br. 6/06, 75/06, 44/07, 84/09, 48/10, 18/13, 8/17 i 89/17), članka 17. Zakona o radnom vremenu, obaveznim odmorima mobilnih radnika i uređajima za evidentiranje u drumskom prevozu („Službeni glasnik Bosne i Hercegovine“, br. 48/10 i 66/16), te temeljem članka 200. Zakona o upravnom postupku („Službene novine Federacije BiH“, br. 2/98 i 48/99), donosi

## RJEŠENJE

### I

Odobrava se svim stanicama tehničkog pregleda vozila na području Federacije BiH, koje su ovlaštene za ispitivanje tehničke ispravnosti teških vozila, obavljanje tehničkog pregleda vozila sa ugrađenim pametnim (smart) tahografom bez posjedovanja Potvrde o ispitivanju istog.

### II

Stanica tehničkog pregleda iz točke I ovog rješenja je dužna uz rezultate ispitivanja tehničke ispravnosti vozila priložiti ispis iz pametnog (smart) tahografa, koji na sebi sadrži podatke o datumu, vremenu, VIN broju i ostale podatke upisane u pametni (smart) tahograf.

### III

Prijevoznik je dužan u roku od 30 dana obaviti aktivaciju i ispitivanje pametnog (smart) tahografa u nekoj od zemalja članica AETR sporazuma koje imaju mogućnost ispitivanja tih tahografa i kopiju Potvrde o ispitivanju dostaviti stanici tehničkog pregleda u kojoj su obavili tehnički pregled vozila.

### IV

Stanica tehničkog pregleda je dužna jedan primjerak ovog rješenja uručiti prijevozniku.

V

Ovo rješenje se primjenjuje od dana donošenja i vrijedi najdulje do 31.12.2019. godine ili do stavljanja van snage istog od strane ovog organa.

### Obrazloženje

Uvažavajući činjenicu da je u zemljama potpisnicama AETR sporazuma od 15.06.2019. godine obvezna ugradnja pametnog (smart) tahografa u novo-proizvedena vozila, koji predstavlja novu, II generaciju naprednijih digitalnih tahografa i da za ista ne postoji mogućnost ispitivanja na području Bosne i Hercegovine, to je u cilju nesmetanog obavljanja djelatnosti prijevoza i smislu obavljanja tehničkog pregleda vozila za prvo registriranje vozila potrebno postupiti na način opisan u dispozitivu ovog rješenja.



### Dostaviti:

- Svim stanicama za tehnički pregled vozila na području Federacije BiH (putem web stranice Stručnih institucija),
- Svim radionicama za tahografe na području Federacije BiH (putem web stranice Stručnih institucija),
- Ministarstvo komunikacija i transporta Bosne i Hercegovine, Trg BiH 3, Sarajevo,
- Vanjskotrgovinska komora BiH, Branislava Đurđeva 10, Sarajevo,
- Svim kantonalnim ministarstvima za poslove saobraćaja,
- Federalna uprava za inspekcijske poslove, Fehima ef. Čurčića 6, Sarajevo,
- Stručna institucija „MERVIK“ d.o.o. Sarajevo, Vilsonovo šetalište 10,
- Stručna institucija "IPI-INSTITUT ZA PRIVREDNI INŽENJERING" d.o.o. Zenica, Fakultetska 1,
- Stručna institucija „CENTAR MOTOR“ d.o.o. Široki Brijeg, Obilazna cesta bb,
- evidencija,
- a/a